

IN LINEE IL GNÛF SÎT DE ARLEF

Cun pôcs “clic” al met a disposizion struments tecnologjics e contignûts speciâi pai fruts


U ne navigazion facile e intuitive che e otimize la reperibilitât di informazions e di struments tecnologjics, une identitât grafiche trative e siore di imagjins e di contignûts speciâi pai fruts. Al è in linee il gnûf sît de ARLeF - Agenzie Regionâl pe Lenghe Furlane. Dal dut “lizêr” inte struture grafiche e in version trilengâl (furlan, talian e inglês), il gnûf sît al è programât daûr de tecnologjie “responsive”, par facilitâ la navigazion di ogni gjenar di dispositîf. Dutis lis sôs componentis di fat a vegnin ridimensionadis e redistribuidis par jessi dopradis cun ogni gjenar di supuart e, in particolâr, cui *smartphone*. L'acès ai diviers arguments al è garantît de opzion di ricercje interne che e je une vore svelte. Tra lis diviersis areis a son:

Sezion Struments linguistics: e je une aree cetant impuartante, che e permet di consultâ in linee il Grant Dizionario Bilengâl Talian-Furlan (plui di 70.000 lemis inte part dal talian, riferîts a 68.000 lemis furlans), e da un acès svelt al Coretôr Ortografic Furlan e al Wordpress par furlan e e mostre, ancje midiant di un *videotutorial*, l'ûs de Tastiere Furlane Semplice.

Sezion Multimedia: la sezion e je siore di videos e di audios, libris e audiolibris par fruts, invezit la sezion materiâi e propon une grande siele di tescj pe scuele, pe infanzie e pe sociolinguistiche.

Sezion Projets: la aree e conte invezit la grande e intense ativitât fate de Agenzie intal setôr linguistic e culturâl. Ogni projet al è presentât cuntune descrizion detaiade de ativitât e cuntune galarie fotografiche siore.

Il gnûf sît al è un strument inzornât in maniere costante e



in continue evoluzion, che al ufrîs tantis informazions utilis par duç e che **si met al servizi de aministrazion publice**, midiant de clarece in cont dai servizis di toponomastiche, di consulence linguistiche e dai servizis di traduzion che la Agenzie e ufrîs.

Risultât di un grant lavôr di analisi, di progetazion e di disvilup dal software, il sît al rapresente un miorament in plui, sedi inte capacitât comunicative sedi inte struture che e je funzional e acessibile cun facilitât. Al ufrîs une vision largje de ativitât de ARLeF e ancje des carateristicis de lenghe furlane. Se o sês curiôs di viodi cheste gnove version lait su www.arlef.it e o scuvierzarês un **microcosmi culturâl e linguistic pardabon complet** e che al ufrîs cetant di cognossi.

Pagine par cure de ARLeF -
Agenzie Regionâl pe Lenghe Furlane

ARLeF  AGENZIE
REGIONÂL
PE LENGHE
FURLANE